

“DIOSKO, DIOSKO, APAY A BINAYBAY-ANNAK?”-Mat. 27:46
(Ti maikapat a balikas ni Jesus idia y krus)S

PAKAUNA

No addaman kapatgan a balikas ket awan sabali no didadiay sarita ti adda kenni bingit ni patay, kunada a nabirtod dagitoy a sarita gapuna a napateg unay dagitoy a dawat ken balikas, saan laeng a gapu ta mabutengka ta amangan ta an-annungennaka, wenna riribukennAka panaginana no saan mo nga tungpalen dagitoy, no ti pumusay ket maysa nga ama wenna ina ti pamilla, mabalin a ti dawatna ket panagi-innay, panagpipinnateg annakda ta awandan a mangtarabay kadakuada. Napateg nga imtuoden iti laksid nga agbeddabedalen inda panagibalikas maudi nga isawangda, wen napateg dagitoy ta awanen panawenda nga agaramid pay ti falso a sarsarita wenna storia.

TEKSTO/MENSAHE

Maulit ulit wenna tinawen kakabsat nga intayo selselebraran ken lagipen dagiti maudi a balikas ni Apotayo nga Jesu-Cristo iti kruz. Balikas a mangted kadayo pammalagip ti nagbalin a paset ken ministeryo, mision ti Apo iti daytoy a lubong.

Ti maikapat a balikas kunana “Diosko, Dioso, Apay a binaybay-annak”. Mt. 27:46

Kadagiti panawen a mariknatayo ti tuok, suot, pannakaparukmatayo ti rigat ket umasogtayo kunatayo; “Apaunayen-aya ti kastoy a kasasaad!”

Iti balikas ni Apotayo a Jesus iti Krus ket a saan laeng nga asug gapu ti rigat ken pannakautoy, ngem ikkis daytoy a ginubbuay daytoy ti pannakabaybay-a, rikna ti maysa a tao nga addaan kasasaad; gumawgawawa ti pannakaawat, panangtulong, panangaasi ken pannakaayat.

Inton dagiti namnamaem nga ipatpategmo, inton dagiti pamiliam, inton dagiti gagayyemmo, dagiti impaayam ti ayat, inton dagiti papagayam, dagiti papangulo ket binaybay-andaka kangrunaan kadagiti tiempo a kasapulam unay ti presensiada. Ti pannakabaybay-a ket isun ti kasasaeman a pasamak, kaiyariganna ti pannakapukaw ti anag ti panagbiag.

Sigun ti Nasantuan a surat kasangoanan iti panangiyikkis ni Jesus daytoy a saritana, makita ditoy dagiti importante unay a bambanag a nangted ti dadagsen ti rikna ni Jesus. (Mt. 27:32-44).

Umuna unay: *Pannakaisakripisio dagiti Inosente* (Collateral Damage)

Naibilin kadagiti soldado ti pannakailansa ni Jesus, ket sadiay lugar ti Golgota ti pakaibissayutanna, ket ditoy a mabalin tapnon makita dagiti adu a tattao, iti dalan nga agturong sadiay napallalo ti rigat ni Jesus a nangawit ti Krus ket labit marigatanen a mangidanon pay ngem dita met laeng nakitada ni Simon ket impaawitda kenkuana ti Krus. Ti panangtungpalda dagitoy a soldado ti bilin ti pannakailansa ken pannakapapatay ni Jesus ket adda dagiti inosente a naisakripisio kas ken ni Simon. Saan a mailinged a ni kaanuman, a no ti pammilin nga aramiden ti pangulo ket panagpapatay ti agbalin a sulosion ti aniaman a problema ket agbalinto laeng nga agayos ti dara dagiti inosente.

Maikaddua: *Corruption*

Makita unay ti panangtagikua dagitoy a nabileg ken addaan bileg ti pagan-anay ti awanan gaway nga Jesus. Idi nga inlansada, adda ti panagbibinnunot dagitoy a soldado a no siasino kadakuada ti mangtagikua ti pagan-anayna. Saan laeng a ti panangilansa ken panagpapatay ti inaramidda ken Jesus ngem uray pay ti pinangtagikuada ti nabatbati a gamengna a pagan-anay, diay maysa basic a kasapulan ti tao. Iti sabali a bangir ti panangtagikua, ken panangbukbukod ti gameng ket

kayarigan met laengen ti panangpapataytayo kadagiti dadduma. Adu dagiti matmatay a tattao ti bisin idinto met nga addu dagiti agsubsuraan.

Maikatlo: *Pammabasol* (Red Tagging)

Ti pannakapapatay ni Jesus ket bunga daytoy ti nadagsen a pammabasol kenkuana, ti panangtulongna kadagiti tattao nga agkasapulan, panangagas na kadagiti masakit, panangsupringna kadagiti saan a nasayaat a linteg. Amin dagitoy nga aramid ket nagbalin a pangta ti emperio ket nagbalin a dakkes ti panangkita dagiti adda iti turay.

Dumteng a dagiti agaramid iti makatao a trabaho ket agbalin pangta kadagiti adda iti turay ket adun dagiti namati ken nagtrabaho a napabaso. Ti panagaramid ken panangibiag, ti biag kas ken Jesus ket dumteng ti pannakaipangta ti biag no saan man a pannakapapatay. Ngem ti raniag ti lawag saanto pulos a mapukaw agtuloy to laeng a silaw ti kasipngetan kas ti biag ni Jesus.

Maikaput: *Pannakasulisog ken Pannakalalais*

Iti daytoy a paset ti nasantuan a surat ket saan met nga daytoy ti umuna a pannakasulisog ken pannakalalais ni Jesus, nga kinunkuna dagiti tattao idi nga adda iti krus. “No anaknaka ti Dios, Isalakanmo man ta bagim ket bumabaka dita krus” (Mt. 27:40) maysa nga importante unay a banag a makitatayo ket ti kinapudno dagiti sulisog nga immapay ken Jesus ket banbanag met a dumteng ti biagtayo a kas tao. Kayatna a sawen a ti pannakasulisog ni Apotayo a Jesu-Cristo ket paset ti proseso iti panangamirisna ti umno nga aramidenna tapno matungpal ti pagayatan ti Dios. Dumteng met ti pannakasulisogtayo ngem mangted dagitoy a tibker ti panagpammatitayo.

Mabalin ngarud a dagitoy a pasamak ti nangted ti rikna kenni Apotayo nga Jesu-Cristo, tapnon inyikkisna daytoy a rikna ti natauan a kasasaad, “Diosko, Diosko, Apay a binaybay-annak”. Wen kakabsat, dagitoy nga balikas ken sangit ni Jesus iti krus ket ipakpakitana ti pasamak kadatayo no kasano ti mabaybay-an, ti pannakabaybay-a manipud kadagiti asideg kadatayo, kadagiti namnamaentayo ket kayarigan ti pannakabaybay-a manipud kenni Apo Dios.

Makaadaltayo kadagiti pasamak uray pay kadagiti adalanna, nagad-adalda kadagiti panursuro ken uray pay inkarida a sumuroda ingga ti panungpalan ngem kas kenni Pedro a saan pay nagtaraok ti manok ket inlibaknan iti namitlo a daras. Agtultuloy kakabsat nga agal-alungan kadagiti lapayag ken pusotayo dagitoy balikas gapu ti pannakakitatayo kadagiti addu a kadaraan a napaidaman ken mabaybay-an. Kayat ti Dios nga ipariknatayo ti saan a pannakabaybay-a kadakuada kas ti kaadda ti Apo kadatayo. Amen.